



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinæ, 1603

Martyrivm S. Ferreoli Tribani: Ex eo quod apud V. P. Laur. Sur. Coronatus
est anno Salutis 303. Marcel. Pap. 7. Dioclet. Imp. 20.

urn:nbn:de:hbz:466:1-42728

mum parua, sed crescendo postea immensa; circa quam innumerabiles varij coloris circuli: in quibus singulis singulæ rutilantes Cruciculæ oriebantur cum circulis suis: priore tamè minores conspiciabantur. Et cum hæ in firmamento se dilataffent, latitudine suâ ad orientem magis pertingebant: & ad terram versus domum in qua virgo sancta obierat, declinare visæ totum montem clarificabant. Credendum sanè Diuinam bonitatem hoc signo ostendere voluisse, quanta claritate dilectam suam in cælestibus illustrauerit. Nec defuere alia, antequam sepeliretur, miracula meritum sanctitatis eius testantia. Duo siquidem homines qui sanctum corpus eius spe bona tangere præsumperunt, à graui infirmitate conualuerunt. Exequijs igitur venerabiliter celebratis, honorificè sepulta est; odore miræ suauitatis de tumulo redolente: vbi & meritis eius, omnibus pio corde quærentibus, multa præstantur beneficia.

Item aliud.

Item sepulchrum eius miraculis celebre.

Vide C. Baron. Tom. 2. Annal. & Notat. in Martyr. Roman. 18. Septeb. Crispinus præses compellit ad sacrificandum Christianos.

MARTYRIVM S. FERREOLI TRIBANI: Ex eo quod est apud V. P. Laur. Sur. Coronatus est anno Salutis 303. | Marcel. Pap. 7. Dioclet. Imp. 20.

CVM per vniuersas prouincias gen^o Christianorum à ministris Satanæ sacrilegis ritibus seruire cogeretur, Crispinus quidam, temporis illius Præses, in Viennensi ciuitate iuxta Imperatorum præceptum cœpit ad sacrificandum Christianos cōpellere: sedens-
que

que pro tribunali, cum detestabili consilio honoraret obtemperantes, contradicentes vero acriter puniret, atque in cunctos Dei seruos crudeliter saeuiret, inter alios etiam beatissimum Martyrem Ferreolum, habitu solo, non officio militantem, quod esset proditus Christianus, sacrificare compulit, dicens; Parere te ante omnes necesse est, Ferreole, inuictissimorum Principum legibus; quibus & pro militiae stipendijs fidem debes, & pro Maestate reuerentiam, & pro honoris augmento irreprehensibilem deuotionem. Oportet igitur te obtemperare consilio, ne dissimulantem poena castiget. Sacrifica ergo dijs. Quid moraris? Respondit Ferreolus; Christianus sum: dijs sacrificare non debeo. Imperatoribus, quamdiu salua religione licuit, militaui. Opera mea cum tibi parui iussus, legibus diaboli sacrilegis nunquam seruiui. Aduersus noxios, non aduersus Christianos militare constitui. Stipendia, quae commemoras, non requiro. Pascat sacrilegum militem sacrilegus Imperator. Temporalis uitae lucra non ambio: mihi sufficit, si salua religione, liceat viuere Christianum. Quod si id non liceat, paratus sum mori.

*Inter alios
S. Ferreolum
militem.*

Ille uero contemne s praclarum dat responsum Praefidi.

Præses ad hæc cunctabundus, Et unde, inquit tibi Ferreole isthæc tanta moriendi fiducia? Fortassis post iniuriam legum, post contumeliam principum, uitae desperatio te inuasit. Sed patitur hoc planè abolitum esse humanitas nostra, quod in deos & principes contumaciter protulisti, modò dictorum tuorum te poeniteat, & legibus satisfacias; repudiando sectam Christianorum, & numinibus sacrificado.

*Blanditur eò
Præses.*

Ferreolus respondit ; Humanitatem tuam & indulgentiam, quam promittis, tibi vel Imperatoribus tuis deinceps militaturus expectet: quorum legibus iniuriam non facit, qui legem Dei eis anteponit. Ille potius reus est, qui diuinitati detrahit, qui insensibilia & caduca veneratur. Ego Creatorem, non creaturam, adoro. Deus verò, qui vniuersorum Dominus est & æternus Imperator, dedit seruis suis per Iesum Christum filium suum fiduciam moriendi. Per quem etiam donat nobis resurgendi spem, vt ad amplioris vitæ incrementa, presentis vitæ detrimenta nobis profutura credamus.

*Præclara
Martyris
vox.*

*Venitur ad
minas.*

*Ceditur
martyr.*

*Mittitur in
carcerem.*

Præses ait; Vt video, iacturam vitæ iam fecisti. At dignum est tamen, vt etiã tormenta contemnat, qui consilij humanitate non flectitur: quæ tu, nisi sacrificaueris, quàm sint acerbæ, cognosces. Sed cum minis haud quaquam cerne- ret permoueri beatissimum Ferreolum, sisti eum præcepit, & acrius verberari. Cumque nec sic, succedentibus sibi ex more tortoribus, eum flecti posse videret, iussit eum oneratum ferro includi in carcere, dicens; Rebellem hunc squalidus & omnem pœnam excedens carcer includat; reum se sentiat Maiestatis: careat luce contemptor deorum. Compedito stare non liceat; sedentem quoque ferri deprimant pondera: iacentem etiam ipsa, quæ stringit, vastior catenarum colligatio consumat; donec fenestrosi quæstioni præparatus, omnia, quæ in criminosos constituta sunt, supplicia percurrat. Quibus dictis, statim ministri Præsidis beatissimum Ferreolum oneratum ferro, in carcerem conie-

coniec-
uare c

Illi
altius
lutit
gnoui
ceris,
secun
ad ext
tem fo
fixus
cui po
Rhod
mitte
dus in
bus n
Dehi
blicu
Vbi à
post t
nome
crude
relig
uitat
nerat
uitat
frequ

CER

n

E

c

c

l

coniecerunt, adhibitisque custodibus, eum ser-
uare coeperunt denuò præsentandum.

Illic verò biduo exacto, die tertia diluculo
altius (vt fit) depressis sopore custodibus, reso-
lutit spontè vinculis, liberum se Dei seruus a-
gnouit. Et lento accedens gressu ad ostium car-
ceris, patere sibi liberum sensit egressum. Ac
secundum Euangelium fugiēs persecutionem,
ad extraneam properat regionem. Egressus au-
tem foras portam Lugdunensem, ancipiti de-
fixus consilio, substitit; ac secum deliberans,
cui potissimum viæ insisteret, tãdem visum est
Rhodanum quanquam difficili natatu trans-
mittere. Præmissa itaque oratione, amnem fi-
dus ingreditur; quem deductis blandè vortici-
bus natãdi conatu paucis traiecit impulsibus.
Dehinc concito gradu ingressus aggerem pu-
blicum, vsque ad Iarem fluuium percucurrit.
Vbi à persecutoribus compræhensus, vinctis
post tergum manibus ad vicum, cui Briuata
nomen, ductus est: ibidemque subito instinctu
crudelitatis percussus occubuit. Quem fidelis
religiosorum ciuium deuotio ad præsidium ci-
uitatis non longè à Rhodano cum summa ve-
neratione tumulauit. Cuius beneficia per ci-
uitates sicut expetuntur votis, ita beneficijs
frequentibus approbantur.

*Sponte eius
vincula sol-
uuntur.
Fugit è car-
cere.
Matth 10.*

*Iterum cõ-
prehenditur
& occiditur
à persecuto-
ribus: &
claret mira-
calis.*

CERTAMEN GLORIOSVM SS. IA- *Vide Tom.*
nuarij, Episcopi Beneuentani; & sociorum eius: 2. Annal. C.
Ex eo quod est à Ioanne Diacono S. Ianuarij Baron. &
co nscriptum. Passi sunt anno Domini 305. Mar- *Notat. ad*
celli Papa 2. Constantij & Galerij Maximiani *martyr.*
Imp. 2. *Rom.*

Q995 Nume-